

# Lög Bogfimisambands Íslands

## 1. Grein

Nafn sambandsins er Bogfimisamband Íslands, skammstafað BFSÍ.

BFSÍ er æðsti aðili bogfimiíþróttanna innan vébanda Íþróttá- og Ólympíusambands Íslands (ÍSí), og fer með sérgreinamálefni bogfimiíþróttanna á Íslandi. BFSÍ er aðili að Alþjóðabogfimisambandinu, World Archery (WA) og Evrópubogfimisambandinu, World Archery Europe (WAE).

Aðsetur sambandsins og varnarþing er í Reykjavík.

## 2. Grein

BFSÍ er samband íþróttahéraða. Öll félög innan þeirra er iðka og keppa í bogfimiíþróttum samkvæmt skilgreiningu WA geta átt aðild að BFSÍ og skulu lög þeirra vera í samræmi við lög BFSÍ og ÍSí.

## 3. Grein

Tilgangur sambandsins og markmið BFSÍ er í meginatriðum að:

1. vinna að framgangi bogfimiíþróttanna og útbreiðslu þeirra á Íslandi;
2. hafa yfirstjórn allra sérgreinamálefna bogfimiíþróttanna á Íslandi;
3. setja og fylgja eftir reglum, fræða og faggilda dómara og þjálfara í íþróttinni, staðsetja og framkvæma mót BFSÍ og staðfesta íslensk met;
4. vera fulltrúi Íslands gagnvart erlendum alþjóðlegum bogfimisamtökum innan ólympíuhreyfingarinnar og gæta þess að gildandi reglur um bogfimiíþróttir á Íslandi séu í samræmi við alþjóðareglur;
5. efla og skipuleggja málefni og verkefni landsliða;
6. stuðla að auknum skilningi á málefnum sambandsins útávið;
7. stuðla að góðri samvinnu félaga sinna;
8. stuðla að gerð og útgáfu fjölmiðlaefnis til framdráttar íþróttarinnar;
9. leitast við að jafna ágreining, er upp kann að koma á milli sambandsaðila. Sambandið skal þó ekki hafa þar úrskurðarvald nema báðir eða allir aðilar óski þess.

## 4. Grein

Málefnum BFSÍ er stjórnað af:

- bogfimiþingi BFSÍ, sem fer með æðsta vald í málefnum og setur lög sambandsins;
- stjórn BFSÍ, sem fer með æðsta vald í málefnum sambandsins á milli bogfimiþinga og kemur fram fyrir hönd sambandsins;

Reikningsár BFSÍ er almanaksárið.

## 5. Grein

Enginn sambandsaðili hefur tilkall til hluta af sjóðum sambandsins, þótt hann hverfi úr sambandinu eða því verði slitið. Sambandsaðilar innan sambandsins bera enga ábyrgð á skuldbindingum þess með öðru en gjöldum sínum til sambandsins.

## 6. Grein

Bogfimiþing BFSÍ fer með æðsta vald í málefnum sambandsins og skal það haldið fyrir 31. mars hvert oddatölu ár. Bogfimiþing má ekki halda á sömu dögum og Íþróttáþing ÍSÍ eða formannafundi ÍSÍ. Þingið sitja fulltrúar frá þeim íþróttabandalögum, héraðssamböndum og félögum sem mynda sambandið.

Fulltrúafjöldi hvers sambandsaðila fer eftir tölu iðkenda samkvæmt starfsskýrslum til ÍSÍ síðasta árs sem hér segir:

- 1 til og með 50 : einn fulltrúi
- Fyrir hverja hundrað til viðbótar bætist við einn fulltrúi

Bogfimiþing skal boðað með eigi minna en eins mánaðar fyrirvara. Fundarboð skal senda ÍSÍ og sambandsaðilum BFSÍ. Rafræn boðun er lögmat ásamt tilkynningu á heimasíðu BFSÍ, bogfimi.is.

Málefni sem sambandsaðilar óska að tekin verði fyrir á þinginu skulu berast stjórn BFSÍ minnst 3 vikum fyrir þing. Þetta á einnig við um framboð til formanns og stjórnar BFSÍ. Eigi síðar en tveimur vikum fyrir þingið skal senda sambandsaðilum skriflegt fundarboð í tölvupósti (síðara fundarboð) með dagskrá og upplýsingum um tillögur og mál sem leggja á fyrir þingið. Þingið getur þó tekið fyrir mál, borin upp með styttri fyrirvara, að fengnu samþykki 2/3 hluta þingfulltrúa.

Bogfimiþing er lögmat ef löglega hefur verið til þess boðað.

Þau ár sem bogfimiþing er ekki haldið boðar stjórn BFSÍ til formannafundar í mars.

## 7. Grein

Á bogfimiþingi hafa fulltrúar þeirra sambandsaðila sem eru skuldlaus við BFSÍ fjórum vikum fyrir bogfimiþing einir atkvæðisrétt, en rétt til setu á þinginu, með málfrelsi og tillögurétt hafa allir eftirfarandi þingfulltrúar:

1. stjórn BFSÍ;
2. framkvæmdastjórn og framkvæmdastjóri ÍSÍ;
3. einn fulltrúi frá stjórn hvers íþróttahéraðs sem hefur bogfimi innan sinna vébanda;
4. fastráðnir starfsmenn BFSÍ;
5. allir nefndarmenn/fulltrúar BFSÍ;

Auk þess getur stjórn BFSÍ boðið öðrum aðilum þingsetu telji hún ástæðu til.

Allir fulltrúar skulu tilgreindir á kjörbréfi frá viðkomandi sambandsaðila og skal skila kjörbréfum við upphaf þinghalds. Hver fulltrúi fer með eitt atkvæði.

Við afgreiðslu almennra mála og í kosningum, ræður einfaldur meirihluti atkvæða viðstaddra atkvæðisbærra fulltrúa, en til lagabreytinga þarf 2/3 hluta sömu fulltrúa.

## 8. Grein

Dagskrá bogfimiþings skal vera eftirfarandi:

1. Þingsetning
2. Kosning 3 manna kjörbréfanefndar
3. Kosning þingforseta
4. Kosning þingritara
5. Ávarp gesta
6. Niðurstaða kjörbréfanefndar kynnt
7. Skýrsla stjórnar lögð fram og kynnt
8. Reikningar BFSÍ lagðir fram og kynntir
9. Umræður og samþykkt reikninga
10. Fjárhagsáætlun lögð fram og borin undir atkvæði
11. Lagðar fram lagabreytingartillögur sem borist hafa með löglegum fyrirvara, umræða og atkvæðagreiðsla
12. Aðrar tillögur sem kynntar voru í fundarboði, umræða og atkvæðagreiðsla
13. Teknar fyrir tillögur og önnur mál sem lögð hafa verið fyrir þingið og þingmeirihluti leyfir. Umræða og atkvæðagreiðsla.
14. Kosningar:
  - a) Stjórn, samanber 9. grein
  - b) Tveir skoðunarmenn reikninga
15. Þingslit

Allar kosningar eru framkvæmdar í heyrandi hljóði nema annars sé óskað. Hlýtur sá kosningu, sem flest atkvæði fær. Falli atkvæði jafnt í stjórnarkjöri og það hefur áhrif á hver er kosinn í stjórnarstöðu skal kosning endurtekin með þeim frambjóðendum sem jafnir voru. Ef atkvæði eru ennþá jöfn skal kjósa á ný á sama veg. Falli atkvæði enn jafnt, skal hlutkesti ráða og skal þingforseti annast hlutkestið.

Skýrslu BFSÍ, sem stjórnin leggur fyrir þingið og fundargerð þingsins, skal senda framkvæmdastjórn ÍSÍ og sambandsaðilum BFSÍ innan tveggja vikna frá þingslitum.

## 9. Grein

Stjórn BFSÍ skal skipuð fimm aðalmönnum og þremur varamönnum:

1. Formaður, kosinn til tveggja ára í senn.
2. Fjórir meðstjórnendur. Kosning skal fara þannig fram að kjörtímabil er fjögur ár og skal helmingur meðstjórnenda kjörinn á hverju bogfimiþingi.
3. Þrír varamenn, kosnir til tveggja ára.

Stjórnin skiptir sjálf með sér verkum og skal skipað í embætti varaformanns, gjaldkera og ritara á fyrsta stjórnarfundum eftir bogfimiþing.

Forfallist stjórnarmaður eða hættir störfum í stjórninni tekur varamaður hans stað. Ef formaður hættir störfum tekur varaformaður hans stað þar til á næsta þingi þar sem kosið skal á ný í stöðu formanns. Varaformaður tekur þá við stöðu sinni á ný innan stjórnar ef hann hefur ekki lokið sínu kjörtímabili. Ef meðstjórnandi hættir störfum tekur næsti varamaður við störfum hans út kjörtímabil viðkomandi meðstjórnanda.

Stjórn BFSÍ er heimilt að halda úti frekari reglum með skilgreiningum á hvenær stjórnarmaður telst hættur störfum, sé óvirkur, forfallast eða telst óhæfur til starfa og hvernig stjórn skuli bera sig að til að leysa slík tilfelli og önnur tilfelli sem eru ekki tekin sérstaklega fram í lögum þessum tengt samsetningu stjórnar. Slíkar reglur skal leggja fyrir formannafundi.

Þar sem þess er kostur skal stjórnin ekki öll vera af sömu kynskráningu í þjóðskrá.

## 10. Grein

Stjórn BFSÍ skal halda fundargerðir sem birta skal á vefsíðu sambandsins.

Formaður boðar til stjórnarfunda, og aukalega ef tveir eða fleiri stjórnarmenn óska þess. Stjórnarfund skal halda eigi sjaldnar en fjórum sinnum á ári.

Stjórn BFSÍ getur boðið öðrum aðilum að sitja stjórnarfund með málfrelsi og tillögurétt telji hún ástæðu til og nafn þess aðila skal fylgja fundarboði.

Komi til atkvæðagreiðslu á stjórnarfundum og atkvæði falla jöfn, þá skal atkvæði formanns ráða úrslitum. Stjórnarfundur telst löglegur mæti að minnsta kosti fjórir stjórnarmenn til hans. Þó er ályktun því aðeins lögleg, að þrír stjórnarmenn hið fæsta samþykki hana.

Helstu störf stjórnar BFSÍ eru að:

1. framkvæma samþykktir þinga sambandsins;
2. annast rekstur sambandsins;
3. vinna að eflingu bogfimi með menntun og aðstöðu;
4. semja reglur og reglugerðir fyrir bogfimi og sjá um að farið sé eftir viðurkenndum reglum og lögum sambandsins og WA;
5. ákveða stund og stað fyrir bogfimiþing og formannafund og annast boðun þess;
6. senda framkvæmdastjórn ÍSÍ lögboðnar skýrslur og tilkynningar;
7. koma fram erlendis fyrir hönd bogfimiþróttta á Íslandi;
8. velja fulltrúa á Íþróttþing ÍSÍ, auk bogfimi heims-, Norðurlanda- og Evrópuþing;
9. halda úti Íslandsmetaskrá og staðfesta Íslandsmet og Íslandsmeistara;
10. halda utan um og uppfæra vefsíðu BFSÍ;
11. skera úr ágreiningi eða taka ákvarðanir um bogfimimál, sem lög þessi og/eða reglugerðir BFSÍ ná ekki yfir;

Stjórn BFSÍ er heimilt að ráða launað starfsfólk.

Stjórn getur skipað nefndir eða fulltrúa til að sinna ákveðnum verkefnum fyrir sambandið. Hlutverk þeirra skal tilgreint í reglugerð.

## 11. Grein

Aukaping má halda er nauðsyn krefur að mati meirihluta stjórnar eða ef helmingur sambandsaðila sem mynda BFSÍ óskar þess. Boða má til aukapings með tveggja vikna fyrirvara. Fulltrúar á aukapingi eru þeir sömu og voru á næsta reglulega þingi á undan og gilda sömu kjörbréf. Þó má kjósa að nýju í stað fulltrúa sem er látinn, veikur eða forfallaður á annan hátt.

Á aukapingi má ekki gera lagabreytingar og ekki kjósa stjórn nema bráðabirgðastjórn, ef meirihluti kjörinnar stjórnar hefur sagt af sér eða hætt störfum af öðrum orsökum, eða stjórnin að eigin dómi orðið óstarfhæf.

Að öðru leyti gilda um það sömu reglur og um reglulegt bogfimiþing.

## 12. Grein

Lagabreytingar má aðeins gera á bogfimiþingi, enda hafi þeirra verið getið í fundarboði og ná þær því aðeins fram að ganga, að 2/3 hlutar mætttra fulltrúa séu þeim samþykkir. Tillögur um lagabreytingar skal senda stjórn BFSÍ (samanber 6. grein) fyrir bogfimiþing og allar tillögur um lagabreytingar, sem

stjórninni hafa borist, skal senda með seinna fundarboði til sambandsaðila. Lagabreytingar sem samþykktar eru á Bogfimiþingi skulu sendar framkvæmdarstjórn ÍSÍ til staðfestingar.

### 13. Grein

Í kjölfar aðalfunda sambandsaðila skal senda skýrslu og fundargerð aðalfundar þess til stjórnar BFSÍ og upplýsingar um stjórnarmenn, í síðasta lagi tveimur vikum eftir aðalfund sambandsaðila.

### 14. Grein

Allir iðkendur í bogfimiíþróttum skulu skráðir í félagakerfi BFSÍ með fullu nafni og kennitölu.

### 15. Grein

Um öll ágreiningsmál er upp kunna að koma innan íþróttarinnar skal farið með samkvæmt kafla 4 í lögum ÍSÍ, um dómstóla ÍSÍ, eftir því sem við á.

### 16. Grein

Engum skal mismuna vegna kynþáttar, kyns, trúar, getu, aldurs, hjúskaparstöðu, pólitískrar skoðunar eða á nokkurn annan veg.

### 17. Grein

Tillögur um að leggja BFSÍ niður, má aðeins taka fyrir á lögmætu bogfimiþingi. Til þess að samþykkja slíka tillögu þarf minnst  $\frac{3}{4}$  hluta atkvæða. Hafi slík tillaga verið samþykkt, skal gera öllum sambandsaðilum grein fyrir henni í þingskýrslunni og tillagan síðan látin ganga til næsta reglulega þings. Verði tillagan þá samþykkt aftur er það fullgild ákvörðun um að leggja BFSÍ niður.

Sé BFSÍ þannig löglega slitið, skal afhenda ÍSÍ eignir þess.

### 18. Grein

Lög þessi öðlast gildi þegar þau hafa verið samþykkt á bogfimiþingi og framkvæmdastjórn ÍSÍ hefur staðfest þau.